

Aoao Atili e Uiga i le Tatalo

GAOIOIGA A

O a nisi o mafuaaga e finagalo le Tama Faalelagi tatou te tatalo ai a o faosoosoina i tatou e Satani ina ia aua nei tatalo?

- O a nisi o auala e ono faosoosoina ai i tatou e Satani e aua le tatalo?

O se tasi o auala e mafai ai e Satani ona “aoao [i tatou] e le tatau ona [tatou] tatalo” o le taumafai lea e faatalitonu i tatou i pepelo ona ua tatou agasala, ua tatou le toe agavaa ai e tatalo.

Mafaufau loloto po o a faamanuiaga atonu o loo taumafai Satani e taofia i tatou mai le mauaina a o e faia mea nei:

Faaalu sina taimi e suesue ai e uiga i le tatalo. E mafai ona e sueina le tatalo i le Lomifefiloi po o le Taiala i Tusitusiga Paia, suesue i Autu o le Talalelei, pe vaavaai mo lauga o le konafesi aoao o loo talanoa e uiga i le tatalo. A o e suesue, vaavaai mo faamanuiaga o le tatalo. Atonu foi e te manao e mafaufau i faamanuiaga ua e maua mai le tatalo i lou olaga. E faavae i au suesuega ma aafiaga, mafaufau loloto pe aisea e finagalo ai le Tama Faalelagi ina ia tatou tatalo ma pe aisea e faosoosoina ai i tatou e Satani ina ia aua nei tatalo.

Afai e mafai, vaavaai mo mafuaaga faaopoopo a o e matamata i le “E Finagalo le Atua ina ia Outou Tatalo” (3:28), o loo maua i le Church of Jesus Christ.org, o se vitio e uiga i le aafiaga o Kayla i le tatalo a o feagai ai ma luitau.

Tusi i lalo ia le itiiti ifo ma le lua ni upumoni na e aoaoina e uiga i le tatalo. Ia aofia ai le mafuaaga e te manatu ai e finagalo le Tama Faalelagi ina ia tatou tatalo ma mafuaaga e faosoosoina ai i tatou e Satani ina ia aua nei tatalo.

GAOIOIGA E

O le a le uiga o le tatalo e le aunoa?

Mafaufau e faailoga le fasifuitau “tatalo e le aunoa, ma ia le faavaivai” (2 Nifae 32:9).

Faitau le Alema 34:21, 27, ma vaavaai mo malamalamaaga i le uiga o le tatalo e le aunoa.

- Aisea o le a avea ai le tatalo “i le taeao, aoauli, ma le afiafi” (Alema 34:21) o se faamanuiaga?
- E mafai faapefea ona tatou liliu atu o tatou loto i le Atua, e tusa lava pe tatou te le o tatalo?

Na tuuina mai e Elder David A. Bednar o le Korama a Aposetolo e Toasefululua se faataitaiga se tasi i le uiga o le tatalo e le aunoa:



Talanoa ma le Tama Faalelagi i le tatalo i le taeao. . . .

I le faagasologa o le aso, tatou te teuina pea se tatalo i o tatou loto mo se fesoasoaniga ma se tomatauga faifai pea. . . .

I le faaiuga o lo tatou aso, tatou te toe tootutuli ai ma toe lipoti atu i lo tatou Tama. Tatou te toe iloiloina mea na tutupu i le aso ma faailoa atu le faafetai mai le taele o o tatou loto mo faamanuiaga atoa ai ma le fesoasoani sa tatou maua. Tatou te salamo ma, faatasi ai ma le fesoasoani mai o le Agaga o le Alii, faailoa ala e mafai ona tatou faia ia lelei atili ai taeao. O lea, o la tatou tatalo i le afiafi e faavae i luga ma o se faaauauga o la tatou tatalo i le taeao. O la tatou tatalo i le afiafi o se sauniuniga foi lea mo se tatalo anoa i le taeao. (David A. Bednar, “Tatalo e le Aunoa,” *Liahona*, Nov. 2008, 41–42)

Tusi i au lava upu lou manatu i le uiga o le tatalo e le aunoa.

GAOIOIGA I

E faapefea ona faapaiaina e le Tama Faalelagi a tatou taumafaiga mo le manuia, po o le lelei, o o tatou agaga?

Na aoao mai Nifae “e ao ona e tatalo atu i le Tamā i le suafa o Keriso, ina ia faapaiaina e ia lau galuega mo oe, ina ia mafai ona avea mo le manuia o lou agaga” (2 Nifae 32:9). Ina ia *faapaiaina* o lona uiga ia faamanūina pe faamamaluina.

Mafaufau ia le itiiti ifo ma le tasi se faataitaiga na faamanuiaina ai e le Tama Faalelagi se tasi a o latou tatalo ma taumafai e fai le mea sa Ia finagalo ai. E mafai ona avea leni mea ma se aafiaga patino, se faataitaiga faaonaponei, pe e mafai foi ona e sueina se tala i tusitusiga paia (faaaoga le Taiala i Autu, Faasinomaga, po o le Taiala i Tusitusiga Paia e sue ai se faataitaiga pe a manaomia).

Tusi i lalo le faataitaiga ma le mea na aoaina ai oe e uiga i le ala o le a faamanuiaina ai e le Tama Faalelagi a tatou galuega e faataunuu ai Lona finagalo a o tatou tatalo.